

## Տ Ե Ս Ո Ւ Թ Ի Ի Ն

ԳԵՈՐԳԵԱՆ ՀՈԳԵԻՈՐ ՃԵՄՍՐԱՆԻ 1908/9

ՈՒՍՈՒՄՆԱԿԱՆ ՏԱՐՈՒԱՅ: \*)

Զեկուցում նորին վեհափառութեան: Կրճատումներով կարգացել է 26-ին սեպտեմբերի՝ տարեկան հանգէսին:

Անցեալ 1908/9 ուսումնական տարին սկսուել է 1908 թուի սեպտեմբերի 1-ին և տեւել է մինչև 1909 թուի 15-ը մայիսի, երբ ուսուցչական կազմի հրաժարման պատճառով ճեմարանը փակուել է:

Ուսումը սկսուել է 9 ին սեպտեմբերի և շարունակուել է — Գ-րդ, Գ-րդ ու Ե-րդ դասարաններում մինչև 27-ը ապրիլի, Զ-րդում մինչև 21-ը մարտի և Ա-ին ու Բ-րդ լսարաններում մինչև 17-ը ապրիլի:

Աշխատաւոր օրեր, չհաշւած ընդունելութեան և վերջնական քննութիւնների օրերը, եղել են 146 կամ տարուայ 40% ընդամենը: Քննութիւնները տեւել են մայիսի 1-ից մինչև 15-ը: Զ-րդ դասարանի ընդհատուած քննութիւնները և լսարանցիներից մեծ մասի քննութիւնները յետաձգուել են մինչև սեպտեմբեր: Գ-րդ, Գ-րդ և Ե-րդ դասարանների սաները փոխադրուել են տարեկան թուանշաններով:

Սաները հեռացել են ճեմարանից մայիսի առաջին օրերը, բացի վեցերորդցիներից:

Տարուայ սկզբում ճեմարանում եղել է 152 սան, ընդունուել են տարուայ մէջ 10 հոգի, և արձակուել կամ հեռացել են 12 ( $7\frac{1}{2}\%$ ), այնպէս որ ամբողջ տարին եղել է 150 հոգի, որոնցից 18 երթեւել և 132 զիշեթթիկ: Տարուայ վերջը հեռացել են կամ արձակուել 22 սան ( $14\%$ ), և նոր ուսումնական տարեշրջանը անցել են 128 սան կամ սկզբնական թւի  $84,2\%$ :

Սաները տարուայ մէջ զեւեղուած են եղել դպրոցական բաժնի 4 դասարաններում և մասնագիտական բաժնի 2 լսարաններում հետեւեալ չափով.

Գ-րդ դասարանում	24 հոգի	15 <sup>0</sup> / <sub>0</sub>
Գ-րդ »	41 »	25 <sup>0</sup> / <sub>0</sub>
Ե-րդ »	35 »	22 <sup>0</sup> / <sub>0</sub>
Զ-րդ »	27 »	17 <sup>0</sup> / <sub>0</sub>
Ա-ին լսարանում	18 »	11 <sup>0</sup> / <sub>0</sub>
Բ-րդ »	17 »	10 <sup>0</sup> / <sub>0</sub>

162

\*) Յանձնուած է խմբադրութեանն տպել անփոփոխ, շատ կէտերին համաձայն չենք: Խմբ.

Հաս հարստակութեան սաները եղել են.

Ռուսաստանցի	.	.	.	.	126 հոգի	78 <sup>0</sup> / <sub>0</sub>
Տաճկաստանցի	.	.	.	.	27 »	17 <sup>0</sup> / <sub>0</sub>
Պարսկաստանցի	.	.	.	.	9 »	5 <sup>0</sup> / <sub>0</sub>

Ռուսաստանի թեմերից առաջին տեղը բռնում է Երևանինը, որի կենդրոնում է գտնուում հեմարանը, նա տուել է 78 հոգի կամ ամբողջ աշակերտութեան 48<sup>0</sup>/<sub>0</sub>: Երկրորդ տեղը բռնում է Թիֆլիսի թեմը 24 հոգի (15<sup>0</sup>/<sub>0</sub>). Երրորդը՝ Ղարաբաղի և Բեսարարիայի թեմերը—ամեն մէկը—9 հոգի (6<sup>0</sup>/<sub>0</sub>). Աստրախանի թեմից եղել է 4 հոգի (3<sup>0</sup>/<sub>0</sub>). Վերջին տեղը բռնում է Շեմախու թեմը, որ տուել է ընդամենը 2 սան (մօտ 1<sup>0</sup>/<sub>0</sub>):

Համեմատելով սաների թիւը թեմերի հայ ազգաբնակչութեան հետ, հետևեալ պատկերը կստանանք:

	Ազգաբն. սաներ	հարիւր հազարին	ընկնում է
Երևանի թ.	670/հ. *)	78	12
Թիֆլիսի թ.	375/հ.	24	7
Ղարաբաղի թ.	180/հ.	9	5
Շեմախու թ.	100/հ.	2	2
Աստրախանի թ.	60/հ.	4	7
Բեսարարիայի թ.	50/հ.	9	18

Ցանկալի է ապագայում որոշ չափով հաւասարակշռութիւն պահպանել, ևս առաւել կարևոր է Տաճկաստանցիների և Պարսկաստանցիների թիւը աւելացնել, յիշելով, որ ձեմարանը կարող է լինել հայ հատուածների շաղկապման ամենաուժեղ գործոններից մէկը:

Սաների առաջադիմութեան արտաքին պատկերը եղել է հետևեալը.

	փոխել են,	վերաք. փոխել են,	մնացել են,	հեռացել են.
Գ-րդ դաս.	10(41 <sup>0</sup> / <sub>0</sub> )	4(17 <sup>0</sup> / <sub>0</sub> )	5(21 <sup>0</sup> / <sub>0</sub> )	5(21 <sup>0</sup> / <sub>0</sub> )
Դ-րդ »	24(60 <sup>0</sup> / <sub>0</sub> )	11(27 <sup>0</sup> / <sub>0</sub> )	4(9 <sup>0</sup> / <sub>0</sub> )	2(4 <sup>0</sup> / <sub>0</sub> )
Ե-րդ »	11(31 <sup>0</sup> / <sub>0</sub> )	14(40 <sup>0</sup> / <sub>0</sub> )	3(9 <sup>0</sup> / <sub>0</sub> )	7(20 <sup>0</sup> / <sub>0</sub> )
Զ-րդ »	19(70 <sup>0</sup> / <sub>0</sub> )	—	2(7 <sup>0</sup> / <sub>0</sub> )	6(23 <sup>0</sup> / <sub>0</sub> )
Ա-ին լսար.	7(40 <sup>0</sup> / <sub>0</sub> )	—	—	11(60 <sup>0</sup> / <sub>0</sub> )
Բ-րդ »	14(83 <sup>0</sup> / <sub>0</sub> )	—	—	3(17 <sup>0</sup> / <sub>0</sub> )
	85(52 <sup>0</sup> / <sub>0</sub> )	29(18 <sup>0</sup> / <sub>0</sub> )	14(9 <sup>0</sup> / <sub>0</sub> )	34(21 <sup>0</sup> / <sub>0</sub> )

Համեմատելով դասարանները, կտեսնենք, որ նրանք պատրաստականութեամբ իրար համապատասխան չեն եղել, որ մի հիմնական անբարեխաջող պայման խանգարել է դպրոցի կանոնաւոր ընթացքը: Առաջադիմութիւն ցոյց է տուել աշակերտութեան մի

\*) Տես Մխիթար վարդ. «Հայերը Ռուսաստանում»:

կէսը, միւս կէսը թոյլ է եղել, իսկ քառորդը արձակուել կամ հեռացել է: Թուիչքները աւելի աչքի են ընկնում, երբ ամեն մի դասարան առանձին—առանձին ենք վերցնում, ինչպէս օրինակ երրորդ և հինգերորդ դասարանները և առաջին լսարանը:

Եթէ հաշւի առնենք անցած դասընթացի ծաւալը և աշակերտութեան մտաւոր մակերևոյթը՝ միայն ուսուցիչների ներդրամութեամբ կարելի է բացատրել 52<sup>0</sup>/<sub>0</sub>-ի փոխադրուելը և աւարտելը, հակառակ դէպքում առաջադիմողների թիւը հոգիւ գերազանցէր 20—25<sup>0</sup>/<sub>0</sub>:

Սաների բաց թողած դասերի թիւի մասին չկան լրիւ տեղեկութիւններ. յայտնի է միայն հիւանդութեան օրերի թիւը—783 օր, որ կազմում է 4<sup>0</sup>/<sub>0</sub>:

Հիւանդներ եղել են տարուայ մէջ 145 հոգի, որոնք բժշկուել են 783 օր. միջին թւով ամեն մի հիւանդ պառկել է հիւանդանոցում 5<sup>1</sup>/<sub>5</sub> օր. մահւան դէպքեր չեն եղել:

Ըստ տեսակի հիւանդները տուել են հետևեալ թուերը.

Ճանճային տենդ	54 հոգի	37 <sup>0</sup> / <sub>0</sub>	տողոս.
Հիւանդ ձևացողներ	24 »	17 <sup>0</sup> / <sub>0</sub>	»
Բզացաւ	17 »	12 <sup>0</sup> / <sub>0</sub>	»
Արեան պակասութիւն	15 »	10 <sup>0</sup> / <sub>0</sub>	»
Գլխացաւ	9 »	6 <sup>0</sup> / <sub>0</sub>	»
Դեղնացաւ	5 »	3 <sup>0</sup> / <sub>0</sub>	»
Հարբուխ	4 »	3 <sup>0</sup> / <sub>0</sub>	»
Միւս հիւանդութիւններ			
(մի մի, երկու երկու դէպք)	17 »	12 <sup>0</sup> / <sub>0</sub>	»
	145 հոգի	100 <sup>0</sup> / <sub>0</sub>	

Աշակերտութեան ամենակատաղի թշնամին եղել է տենդը, որով վարակուած են եղել շատերը: Հիւանդութեան զարգանալուն նպաստել են ջրերի առունները, բանջարանոցը ու բարդիները, որոնք մոծակի բուն են դարձրել շրջակայքը: Հրաշք պիտի համարել, որ բոլոր աշակերտները չեն վարակուել ծանր տարափոխիկ հիւանդութիւններով. ամբողջ բակը ծածկուած է հակաատոզ-ջական ձևով շինուած արտաքնոցներով, որոնց աղտեղութիւնները ապականել են գետինը և ջրհորները, որտեղից ստացուած է խմիւր ու լուացելու ջուրը:

Տարուայ մէջ աւանդուել են հետևեալ առարկաները. կրօն, ուսումն Ս. Գրոց, Հայոց եկեղեցական պատմութիւն, ընդհանուր եկեղեցական պատմութիւն, իսրայէլի գրականութեան պատմութիւն, կրօնների պատմութիւն, Հայոց եկեղեցական իրաւունք, Հայոց լեզու և գրականութիւն, Ռուսաց լեզու և գրականութիւն, գրականութեան տեսութիւն, ընդհանուր գրականութիւն, անգլիա-

կան գրականութիւն, Գերմաներէն, պատմութիւն Հայոց, Ռուսաց և ընդհանուր, աշխարհագրութիւն Հայաստանի, Ռուսաստանի և Եւրոպայի, թուարանութիւն, հանրահաշիւ, երկրաչափութիւն, Ֆիզիկա, տիեզերագրութիւն, կենդանաբանութիւն, տնտեսագիտութիւն, փիլիսոփայութեան պատմութիւն, իրաւագիտութիւն, հոգեբանութիւն, բարոյագիտութիւն և երգեցողութիւն: Չին աւանդուել այնպիսի կարևոր առարկաներ, ինչպիսին են՝ ներածութիւն և աստուածաբանութիւն նոր կտակարանի, բուսաբանութիւն, մարդակազմութիւն, Ֆիզիոլոգիա, քիմիա, եռանկիւնաչափութիւն մանկավարժութիւն, նկարչութիւն, երաժշտութիւն, տաճկերէն և այլն. զուրկ են եղել սաները և Ֆիզիքական կրթութիւնից՝ մարմնամարզութիւնից և շարժական խաղերից: Իսկ ձեմարանի բանջարանոցը, գոմը, այգին, պարտէզը ու արտերը գիւղատնտեսական փորձնական դասերի ծառայելու և զուարճութիւն պատճառելու տեղ՝ դարձել են երեսայական գոգութիւնների, աղտոտութիւնների և հիւանդութիւնների բուն:

Ինչպէս և նախորդ 34 տարիները, ձեմարանի 35-րդ տարեշրջանն էլ չի ունեցել հաստատուն ծրագիր. ամեն ինչ եղել է պատահական. ամեն մի ուսուցիչ գործել է առանձին և առաջնորդուել է իր հայեացքներով և քմահաճոյքով կամ տեսչի ցուցումներով:

Ուսուցչական խումբը բաղկացած է եղել 12 հոգուց. նրանցից միայն չնչին մասը շարունակ մի քանի տարի ուսուցչութիւն է արել ձեմարանում: Ինչպէս և ամենուրեք մեր դպրոցներում, ձեմարանում ուսուցչական կազմը յաճախ ենթարկուել է փոփոխութիւնների: Այդպիսի պայմաններում ոչ մի դպրոց չի կարող բաւարար արդիւնքներ տալ: Բացի այդ՝ ոչ թէ աւանդուելիք առարկաների համաձայն են հրաւիրուել դասատուներ, այլ առարկաները յաճախ նշանակուել են հրաւիրուած ուսուցիչների մասնագիտութեան համեմատ: \*)

Ուսուցիչների անկայուն դրութիւնը և հաստատուն ծրագրի բացակայութիւնը կախուած է եղել բազմաթիւ պատճառներից. չնչին վարձատրութիւն, կենսաթոշակի բացակայութիւն, տեսչի

\*) Ինչ վերաբերում է ներկայ 1909|10 ուսում. տարւոյ ուսուցչական խմբին, նա կազմել է արդական աննպատ պայմաններում: Անցեալ տարւոյ խումբը in corpore նրաժարել էր. կարճ ժամանակում ընդամենը մէկ ամուսն անկարելի բան էր մի միջնակարգ եւ մի բարձրագոյն դպրանոցի լիակատար եւ անձերի ուսուցչական կազմ հաւաքել, որը մի շարք տարիների սխառեմտիկ ընտրութեան եւ դաման արդիւնք կարող է լինել, մանուսնոյ մեղանում, երբ այնքան աղքատ ենք ձեռնհաս եւ մասնագէտ դասատուներով:

պարտականութիւնների և իրաւունքների անորոշ լինելը և միւս կողմից նրանց չափազանց մեծ ծաւալը, ուսուցչական կազմի անսահման կախումը տեսչի բարեհայեցողութիւնից, աւանդուելիք անարկանների նշանակելու պատահականութիւնը, շրջապատող ծանր մթնոլորտը, կենսական տխուր պայմանները և այլն և այլն,— ահա, յիշեալ պատճառներից շատերը, որոնք խանգարել են ճեմարանի զարգացման:

Ըստ աւանդութեան ամեն զասարան ունեցել է իւր դաստիարակը, որոնց գործունէութեան մասին չկայ ոչ մի տեղեկութիւն, և հազիւ դաստիարակչութիւնը տար շօշափելի արդիւնք քանի որ մշակուած հրահանգը այդ պաշտօնը զարգարել է լոկ վերացական պարտականութիւններով:

Տարուայ սկզբում և վերջում եղել են 3 վերակացուներ, խակ մնացեալ ժամանակ մէկի մահից յետոյ՝ երկուսով են վարել այդ ծանր և պատասխանատու պաշտօնը—վերահսկել 150 աշակերտի վրայ: Այդչափ վերակացուներով անկարելի է խուսափել զանցառութիւններից, առաւել որ չի եղել և տեսչի օգնական, և տեսուչը պարտաւոր էր միաժամանակ վերահսկել ուսումնական և անտեսական մասերի վրայ, հոգալ ուսումնարանի և սաների բոլոր պլանայքները, ղեկավարել մանկավարժական խորհուրդը և աշակերտութեան բարեկրթութիւնը:

Մանկավարժական խորհուրդը ունեցել է 34 նիստ, որոնցից 5 եղել են լսարանական և 29 զասարանական կամ խառն:

Բացի ուսումնական խնդիրներից՝ խորհուրդը զբաղւել է և Ա. Դուլխասանի, Մեղուիւնեանի և ԲԺ. Տիգրանեանի կրտակների գործադրութեան խնդրով:

Ուսուցիչները տարուայ ընթացքում հիւանդութեան և այլ և այլ պատճառով բացակայել են 161 ժամ կամ 36 աշխատաւոր օր: Հաշուելով տարուայ մէջ 876 ուսուցչական աշխատաւոր օր, կտեսնենք, որ բաց թողած դասերը կազմում են 4<sup>0</sup>/<sub>10</sub>, որ մեծ չէ: Ոմանք իրանց դասերից դուրս պարապել են 66 ժամ կամ 15 աշխատաւոր օր, այնպէս որ բաց թողած օրերի թիւը իջնում է 2<sup>0</sup>/<sub>10</sub>:

Մատենադարանի համար գնուել է և ստացուել է նուէր 385 կտոր գիրք, որոնցից 272 հատ գերմաներէն լեզուով, նուիրել է պ. Ս. Հախումեանը: Մատենադարանը մատնուած է եղել կատարեալ անխնամութեան: Թող, մաշուած պահարաններ, մաշուած ու պատառոտուած կազմեր ու թղթեր, պակասաւոր հատորներ, մեծ քանակութեամբ անհետացած գրքեր, զասուրուութեան ու ցուցակազրութեան բացակայութիւն,—մի աներևակայելի քաօս է պատկերացնում մատենադարանի ներկայ դրութիւնը: Միայն շուտափոյթ վերաստուգութիւնը կարող է փրկել գրքերի այդ մի

Ժամանակ հարուստ շտեմարանը: Այլ ուսումնական պիտոյքներ, ինչպէս ֆիզիկանաց, կոլլէկցիաներ և այլն, սկի գոյութիւն չունին:

Ճեմարանի անցեալ ուսումնական տարուայ անտեսութիւնը դեռ չի պարզուած, իսկ հաշիւները ստուգուած ու փակուած չեն: Բայց բնդհանուր տեղեկութիւնները և յատուկ դէպքերը բաւական մտայլ գոյներով են այդ պատկերացնում: Հայրը, լոյսը և բաղանիքը ըստ հին սովորութեան «բերքով» է տրւած՝ առանց վերածելու գրամի և առանց մուծելու մուտքի և ելքի մէջ, թէև նստել է մօտ 6500 ըուրլի:

Մ Ո Ւ Տ Ք.

1. «Բերքով» մօտ	6500 ը.
2. Մ. Աթոռի գանձարանից	42,555 ը. 99 կ.
3. Մնացորդ 1907 8 թւականից	2905 ը. 72 կ.
4. «Լազարեան» անուան նպաստ	6000 ը. —
5. Պետերբուրգի եկեղեցիներից նպաստ	5000 ը. —
6. Թոշակ աշակերտներից և մանր նպաստ	2300 ը. —
7. Նուէրներ	1444 ը. 15 կ.
8. Պատահական մուտք	326 ը. 30 կ.
9. Բաց թողած ճաշերի վճար	1391 ը. 38 կ.
10. Ճեմարանի ազարակի մուտք	154 ը. —
11. 1908/9 թուի պարտք, մօտ	7000 ը. —
	<hr/>
	75,577 ը. 44 կ.

Ե Լ Ք.

1. 1907 1908 պարտք	14102 ը. 19 կ.
2. Ուսուցչական վարձ	14525 ը. —
3. Վարչութիւն	5480 ը. —
4. Ուսումնական պիտոյք, մօտ	400 ը. —
5. Դիւանական ծախք, մօտ	100 ը. —
6. Հիւանդանոց	1950 ը. —
7. Վերանորոգութիւն շինութեան	4700 ը. —
8. Ազարակ, բանջարանոց, դոմ	2800 ը. —
9. Աշակերտների ապրուստը և հագուստը	31520 ը. 50 կ.
	<hr/>
	75577 ը. 44 կ.

Նախորդ տարիների պարտքը և բաց թողած ճաշերի վճարը հանած՝ ամեն մի տան մօտ 7<sup>1</sup>/<sub>2</sub> ամսում (տօներին, ծննդեան և գատկին մօտ 50 աշակերտ 30 օրով գնացել են ծննդավայր) նստել է 400 ըուրլի, մի պատկառելի թիւ, որի առաջ մարդ ակամայից կանգ է առնում, երբ չորս կողմը տեսնում է մրտաւած, խարխուլ ու կեղտոտ, անհամապատասխան իրանց կոշման շիւթութիւններ, մերկ ու բոքրիկ սաներ, զուրկ մաքուր անկողնից, գիտակեղէնից, վերնազգեստից ու կօշիկից, սպրտնած ու դեղնած, իհար երեխաներ, թէև ամեն մի տանի ապրուստը և հագուստը ստել է մօտ 200 ը., դասաւանդութեան հնացած գրքեր և այլն:

Այդ խոշոր գումարից առողջապահութեան վրայ ծախսուած է 3<sup>0</sup>/<sub>0</sub>, այն էլ համարեա ամբողջը կազմում է բժշկի ոտճիկը, դասական և գիտական պիտոյքների վրայ—0,6<sup>0</sup>/<sub>0</sub>, որից մեծ մասը հին տարիների պարտք է, զգեստի վրայ 6<sup>0</sup>/<sub>0</sub>, իսկ գասավարձը, որ պիտի կազմէր ուսումնարանի ամենաէական ծախսը, ընդգրկել է ընդամենը 24<sup>0</sup>/<sub>0</sub>: Միեւնոյն ժամանակ ծառաները ստացել են ոտճիկ և կերել են ծախսի մօտ 16<sup>0</sup>/<sub>0</sub>:

Ազարակը և գոմը, որոնց նպատակը պիտի լինէր մատակարարել ճեմարանին թարմ բանջարեղէն, արմտեղէն, կաթ, ձու և միս, միայն կլանել են մի խոշոր գումար՝ 2800 ռ., որ պիտի համարել անդառնալի կորուստ, քանի որ ամբողջ եկամուտը եղել է ինչ որ 154 ռ. և քանի որ անգամ կաթը, ձուն կանաչեղէնը և արմտեղէնը դրսից է գնուած: Ընծարանը իր ազարակից ու գոմից ստացել է լոկ ճանճերի ու մոծակների վոհմակներ, անհամ դղումներ ու բազուկներ և հիւանդ տաւարի միս, որ խառնած սերկեխի, քացախի և ջրի հետ տրուել է սաներին իբրև ապուր:

Վերանորոգութեան վրայ ծախսած է մի պատկանելի գումար՝ 4700 ռ., բիւզէի 8<sup>0</sup>/<sub>0</sub>, մինչդեռ ննջարանները և դասարանները իրանց կեղտոտ պատերով ու յատակներով ներկայացնում են ողորմելի տեսարան, մինչդեռ կան սենեակներ ու դասարաններ առանց վառարանի, չկան կանոնաւոր արտաքնոցներ, իսկ յատակներին տեղ-տեղ փլուելու վտանգ է սպանուած:

Սեպհական տնտեսութիւնը տուել է լոկ կրկնակի ու անիմաստ ծախսեր, միաժամանակ բարդել է վարչութեան վրայ անթիւ ու անհամար հոգսեր և առաջացրել է ուսումնական մասի խանգարում: Փայտը գնուել է 60—75 ռուբլի տեղական սաժէնը (աւելի քիչ քան իսկականը), իւղը—20—24 ռուբլի փութը, այն էլ յաճախ ոչ արդար իւղ, այլ կեղծած ճարպով, մինչդեռ ամառը՝ կապալառուների միջոցով կարելի էր գնել՝ փայտը 35—40 ռուբլիով, մաքուր իւղը 15—17 ռուբլիով և այլն և այլն:

Ոչնչացնել ամեն տնտեսութիւն, բոլորը աճուրդով տալ կապալառուների ի հարկէ ոչ ուշ, քան ամառը—այդ է միակ փրկութիւնն կրկնակի ծախսերից և ուսման խանգարումից: Այդպիսով վարչութեան կտրուելի միջոց ամբողջովին նուիրուել կրթական գործի, կվերականգնի հասարակական հաւատը գէպի ճեմարանը, կխնայուի բաւականի գումար՝ վարձատրելու ուսուցչին համապատասխան իր կոչման ու թափած աշխատանքին և լիացնելու ուսումնական անյետաձգելի կարիքները:

Բարեկարգած տնտեսութիւնը, բարձր վարձատրութիւնը, որոշ կանոնները, կայուն դրութիւնը և խաղաղ կեանքը միայն կարող են ուսուցչին ու սանին սիրել տալ ճեմարանը:

Այլ կերպ ոչ ուսուցիչը, ոչ էլ սանը կըկապուի այդ տաճարի հետ. մէկը էլի իբրև մշտնջենաւոր թափառական ամեն տարի նոր տեղեր կըփոխուի, ուր յոյս կունենայ լինել աւելի կուշտ ու հանգիստ, միւսը ճեմարանը կհամարի իբրև մի ազգային անկեղանոց:

Միայն գործով և սիրով կարելի է զրաւել դէպի ճեմարան ընտիր գիտական ուժեր և գիտութեան ծարաւով բոնուած մանուկներ ու սպասանիներ:

Այդպիսի տարրերով է, որ ճեմարանը կարող է դառնալ հայ մտքի, հայացրած գիտութեան կենտրոն: Միայն այդ միջոցով նա կըվերածուի այն հայ բարձրագոյն դպրոցի, որ կըմատակարարէ հայ եկեղեցուն կըթուած հոգեւորականներ և ամբողջ հայութեան—ուսուցիչներ, կըմօտեցնէ հայ մասսային ևրոպական գիտութիւնը և կըշաղկապէ հայ հատուածները խօսքի ու մտքի ուժով:

Բարեւոքել ճեմարանի տնտեսական զրուլթիւնը, պարզել ու հաստատ հողի վրայ դնել նքա բիւզէն, լինի դա հոգաբարձութեան կամ մի այլ մարմնի միջոցով, ուսուցիչներին ապահովել կանոնաւոր յաւելումներով, կենսաթոշակով և բաւականաչափ ոռճիկով, անջատել իրարից դասարանական և լսարանական բաժինները, վերակազմել երկու մասն էլ կեանքի պահանջի համաձայն, տալ որոշ ու մշակած ծրագիր ու կանոնազրուլթիւն,—ահա այն կարգինալ խնդիրները, որոնք պահանջում են անյետաձգելի վճիռ:

Ինչ որ սակայն հետզհետէ կարելի է իրագործել:



Համառօտ տեղեկութիւն ճեմարանի անուան կտակած մի քանի գումարների.

1) Ա. Ղուկասեանի կտակի համաձայն Արտատնամանի ու Ռուսաստանի բարձրագոյն դպրոցներում 1908|9 թւին իրանց ուսումը շարունակել են եօթ հոգի, որոնցից վեցը աշխարհական և մէկը հոգևորական: Կտակակատարների հետ ծագած տարաձայնութիւնների շնորհիւ, անկարելի է եղել տեղեկութիւններ ստանալ կտակի գործադրման մանրամասնութիւնների մասին:

2) Մեղուինեանի կտակի համաձայն որոշուել է տպագրել հ. Երուանդ վարդապետի «Կրօնների պատմութեան դասագիրքը», որ լոյս է տեսել արդէն:

3) Բժ. Տիգրանեանի կտակած գումարի տոկոսների ծախսով որոշուել է տպագրել պ. Մ. Արեղեանի «Երբարարի քերականութիւնը», պ. Մ. Կանայեանի «Ընդհանուր պատմութեան» դասագիրքը և պ. Մ. Սամուէլեանի «Թուարանութեան» դասագիրքը. առաջինը և երրորդը արդէն լոյս են տեսել:

Պատեօմակասար տեսչի՝ Մ. Ռոսսովնո